

# 2

## von messen vnd theylen des Erdtrichs / Ecker / vnd Felder/ in was form vnd gestalt die seyn. Durch Jacob Köbel beschrieben.

Jacob Köbel Stadtschreiber zu Oppenheim/wün-  
schen dem Leser viel Heils/vnd gemeinem Nuze ein-  
ehrlich friedlich Regiment.

Seit vnd mancherlen Künft/die vns nützlich vnd fruchtbart  
lich erschiessen mögen / auch brüderlich vnd friedlich zu leben vn-  
derweisen/ haben vnsrer Vorfahrn mit grosser Sharpffsinigkeit vnd  
zohem Fleiß ersucht/ vns angezeigt vnd verständiget/ Under denen  
nicht die vnachtbarst/ auf der Geometrey gezogen/ wie man das  
Erdtrich/ die Ecker/ Weingarten/ Wiesen/ Berge/ vnd Thale/ ic. vnderscheiden/  
theylen vnd messen solle/ Welche künft ich jeko auff meine vorige zusag in meinem  
ersten Rechenbüchlin/ so viel dem Acker vnd Bauwmann zu täglichen gebrauch  
nottußtig/einen leichten anfang/vn vnderrichtung/wie ich das auf Isidoro/ Pli-  
nio/ Julio Firmico/ Boetio/ Barrone/ Lucio/ Columella/ Victruiio/ ic. gezo-  
gen/vnd hernach in Druck geben hab. Bitt/diß mein hie fürbracht kindisch Werck-  
lin für einen ersten anfang/ nicht schmählich anzutasten/ sondern fleißig mit Ver-  
standt durchlesen/ vnd wo es zu bessern/ brüderlich vnd freundlich straffen/bes-  
fern vnd mehren/ Nicht mit firreten Zänen dagegen grifgrammen/ vnd dar-  
inn mehr Gemeinen nütz vnd lob/ dann eigen stolz bedencken/ so wirdt  
folgen/dß der/so ein ding bessert/mehr dann ers funden hat/gu-  
loben ist. Damit sey allein Gott ehre vnd lob/  
vnd Gemeinem nütz ewiger Frie-  
de/Amen.

A ii Ursprung/